

SICILIA.

548

Imperium ma-
jorum.

Vrba.

Ataginum (quas *Francolinæ* vulgo appellant) Aucupio insignis est. Falcones sacri & peregrini, volatiliū, hostes, aliunde advolantes, his etiam capiuntur. Regionem hanc primi tenuere *Lesrygones* immanes, tum *Sicana* Hispanorum Coloni; accessere *Troianorum* & *Cretenſium* populi. Postea *Græci* eam appetivere, inde *Romani* & quidem post divisum Orientis & Occidentis Imperium Constantinopolitanis paruit per annos pene c.c. Sub *Iustiniano* autem Imperatore Iusulam *Gothi* invasere, qui ipsi annos xvi i a *Belſario* expulsi sunt. Postea occupavere eam *Saraceni* sub Michaelē Balbo, qui cccc annos ea potiti sunt. Hi *Normannis* cessere; Successere *Langbardi*, *Suevi*, *Germani*: sed his a Clemente iv, exactis, *Galli* rerum potiti per annos xvi i ad vesp̄as usque Siculas, quæ incidere in annum cccccxxxii. Ex eo paruit *Aragonensibus*, usque ad *Ferdinandum Regem*, quo extincto *Hispaniarum Reges* Aragoniæ & Siciliæ imperium possedere. Plinius in hac Vrbes Lxxii. numeravit. Hodie sunt civitates & Opida clxxiii, Magino teste. Regni Metropolis est *Panormus* Ptol. & aliis: *Palermum*, *Paleruo* hodie. Vibs est vetustissima, Phœnicum Colonia, uti ostendunt Epitaphia aliqua Litteris Chaldaicis conscripta. Existimatur temporibus Abrahami exstructa. Sita est loco amœno & fertilissimo. Ad Septentrionem spectat, Pelagoque adluitur Tyrrheno, Muris septa altissimis, quod opus est *Friderici Regis*: Secundum mare Arx est, quæ nostra tempestate amplificata, quod *Castrum ad Mare* nominant. Tres item antiquæ Civitates Portæ, & veteres Muri multis cum Turribus Lapide quadrato constructi, etiamnum manent. Templum est Panormi D. Petro Sacrum, a Rogerio Siciliæ Rege conditum, quod sua pulchritudine & rerum preciosarum apparatu, ceteris, quæ in Italiâ nunc usquam exstant, seu veteribus, seu novis merito præferri constat: quo nomine ab omnibus, qui Panormum aut inhabitant aut invisant viris, non imperiis modo, sed ingenio etiam doctrinaque præstantibus, summa cum admiratione ac voluptate frequentatur. Major etiam totius Vrbs Ecclesia reticulata est structura, quadrato ac diversis in exteriori facie imaginibus figurisque inciso ac perpolito Lapide a Gualtherio hujus nominis ii Archiepiscopo, anno cccc Lxxxv fundata: ubi Regum Reginarumque Siciliæ ac Ducum quoque corpora sunt recondita. Est & Gymnasium publicum & Xenodochium. Longum foret reliqua hujus Vrbs ornamenta & præclara ædificia commemorare. Reliquæ Civitates sunt, *Syracusa*, urbs quondam maxima, quam ita Orator describit Actio: iv in Verrem. *Vrbem Syracusas maximam esse Græcarum Urbium pulcherrimamque omnium, sæpe audistis. Est, Iudices, ita ut dicatur: Nam & situ est cum munito, tum ex omni aditu vel terra vel mari, præclaro ad aspectū, & Portus habet prope in ædificatione aspectuque urbi inclusos. Quæ quum diversos inter se aditus habeant, in exitu conjunguntur & confluant. Eorum conjunctione pars Opidi quæ appellatur Insula, mari disjuncta angusto, ponte rursus adiungitur & cœtinetur. Ea tanta est urbs, ut ex quatuor urbibus maximis constare dicatur, quarum una est ea quam dixi Insula: quæ duobus portibus cincta, in utriusque portus ostium aditumque projecta est: in qua est domus, quæ regis Hieronis fuit, quæ*

Prætorum